

Office of Hon Te Ururoa Flavell

Mema Pāremata mō Waiariki
Member of Parliament for Waiariki

Te Minita Whanaketanga Māori
Minister for Māori Development

Te Minita Whānau Ora
Minister for Whānau Ora

Te Minita Tuarua Whanaketanga Ohaoha
Associate Minister for Economic Development



17 FEB 2015

Liam Stoneley
fyi-request-2479-f65d99c1@requests.fyi.org.nz

Tēnā koe Liam

He tono e pā ana ki te Official Information Act 1982

Ngarue ana te whenua, ngaoko ana te moana i te hinganga o ngā tōtara o te wao, ā, mō wai ana tērā i te maunga o ngā kākā haetara. Waiho rātou kia tīraha mai, ko tātou ki konei takatū ai ki ngā mahi. Me pēnei noa ake te kōrero, ko rātou ki a rātou ko tātou ki a tātou, tēnā anō koe.

Kua tae mai tō tono ki te Tari o Honore Te Ururoa Flavell i raro i te Official Information Act 1982 i te rā tuawhitu o Hui Tanguru 2015. I te rapu kōrero koe mō ēnei pātai:

1. Tokohia ngā tāngata ki roto i te tari o te Minita mō ngā take Māori? *Kāore tēnei he pātai ki Te Puni Kokiri, rānei, he pātai mō ngā tāngata ki te tari o te Minita kei te Paremata.*
2. Tokohia o ērā tāngata, he Māori rātou?
3. Tokohia ngā tāngata ki te tari, he reo Māori tā rātou?
4. He tino tohu, te reo Māori, ki te Minita i ngā wā e whaiwhai kaimahi mō tōnā tari?

Kei te whakawhiti atu au i tētahi wāhanga o tō tono kōrero (arā, ko te pātai 1, 2, 3 hoki kei runga ake) ki a Tim Mclvor, Kaiwhakahaere, Ratonga Minitatanga i raro i ngā wāhanga 14(b) (i), (ii) hoki o te Official Information Act 1982. Ko taku whakapae kei taua tari ngā kōrero e hiahia ana koe i roto i tō tono, ā, e āta hāngai ana ki ngā mahi a taua rōpū whakahaere.

Mō te pātai 4, arā noa atu ngā tūmomo pūkenga e tika ana hei taunaki i taku mahi hei Minita mō te Whanaketanga Māori. Ko te matatau ki te reo Māori tētahi o aua pūkenga.

He mōtika tāu i raro i te wāhanga 28(3) o te Official Information Act 1982 ki te whakatakoto nawe ki te Kaitiaki o te Mana Tangata mehemea kāore i ea āu take i tēnei urupare.

Noho ora mai.

Nāku noa, nā

Hon Te Ururoa Flavell
Minister for Māori Development